

kuman mihop. Limbah kuman mihop ikei palus mananjong akan Palabuhan Tangkiling mimbit pisi tuntang umpan. Sampai Palabuhan Tangkiling genep biti manggau eka mundok kabuat-kabuat. Genep biti maupan pisi ayu-ayue tuntang malabuh akan danom.


Dia tahi limbah malabuh pisi akan danom. Hade sibuk manarik pisi ayue. Psi Hade nutuk laok. Sana lampang, gite laok baung hai manutuk pisin Hade. Hade hanjak toto.

Metoh asyik mnampayah laok dinon Hade, pisin Umai nutuk laok kea, Umai manarik pisie tuntang dinon laok baung kea. Genep biti baganti-ganti dinon laok baung. Asyik toto ikei mamisi. Kurik hai laok baung dinon ikei.

Sasar halemei andau, sasar rami laok manutuk pisin ikei. Umai tuntang Bapa, are dinon laok baung je hai, awi pisin ewen injakah akan eka je handalam. Ampai, laok je hai melai eka je handalem.

Halemei andau, Umai tuntang Bapa mangan laok. Kare laok je dinon ikei labih kurang 14 kg. Limbah jari mangan laok ikei mangumpul kare pisi tuntang pakakas je beken, palus mimbit akan mobil.

Helo bara buli ikei kuman mihop tinai into warung je eka ikei mihop hanjewe endau.



Gb. Keluarga Hade kuman

Limbah kuman mihop ikei uras tame mobil. Bapa manyopir akan ikei. Into mobil ikei barencana amon libur mamisi tinai into eka je beken.

Awi ikei rami pander, dia ikei katawan, mobil jari tende into baun huma. Ikei uras balua bara mobil tuntang mimbit kare pisi tuntang laok je dinon mamisi.

Umai palus akan dapur mampakasak laok akan balut. Tege ie inggoreng tege kea je juhu asem.


Luni manyiap piring, sendok, penyau tuntang danom ihup.

Sana bari balut jari masak, ikei kuman haya-hayak. Genep biiti uras lawan kuman. Bapa tuntang Hade mintih kulok baung je hai. mangat toto juhun asem kulok baung. Goreng baung kea mangat.

Limbah kuman, Umai tuntang Luni mangumpul piring, gelas palus menyaue.

Jawab Paisek Toh!

- Pea Hede sakaluarga tulak mamisi akan tangkiling?
- Narai je sulak awi ewen sana sampai Tangkiling?
- Into kueh ewen mamisi?
- Narai hapa ewen akan Tangkiling?
- Sungei narai eka ewen mamisi?
- Eweh pangkasulake dinon laok?
- Narai aran laok dinon ewen mamisi?
- Eweh mangan laok dinon ewen mamisi?
- Eweh mampakasak laok dinon ewen mamisi?
- Juhu narai je inampa Indu Luni?



Gb. Baung